

## ॥ अग्नि-स्मरणम् ॥

च॒त्वारि॒ शृङ्गा॒ त्रयो॑ अस्य॒ पादा॒ द्वे शी॒र्षे स॒प्त ह॒स्ता॑सो अ॒स्य।  
त्रिधा॑ ब॒द्धो वृ॒षभो॑ रो॒रवी॑ति म॒हो दे॒वो म॒र्त्या॒ः आ॒र्विवेश॑॥

ए॒ष हि दे॒वः प्र॒दिशो॑ऽनु॒ सर्वाः॑ पू॒र्वो हि जा॒तः स उ॒ गर्भे॑  
अ॒न्तः। स वि॒जाय॑मानः स जनि॒ष्यमा॑णः प्र॒त्यङ्मुखो॑स्तिष्ठति  
वि॒श्वतो॑मुखः॥

प्राङ्मुखो देव हे अग्ने मम अभिमुखो भव॥

इन्द्राय नमः। अग्नये नमः। यमाय नमः। निर्ऋतये नमः।  
वरुणाय नमः। वायवे नमः। सोमाय नमः। ईशानाय नमः।  
अग्नये नमः।

आत्मने नमः।

सर्वेभ्यो ब्राह्मणेभ्यो नमः॥

अना॑ज्ञातं॒ यदा॑ज्ञातं॒ यज्ञ॑स्य॒ क्रियते॒ मिथु॑। अग्ने॒ तद॑स्य  
कल्पय॒ त्व॑ हि वे॒त्थ॑ यथा॒तथम्॑।

पुरु॑षसम्मि॒तो य॒ज्ञो य॒ज्ञः पुरु॑षसम्मि॒तः। अग्ने॒ तद॑स्य कल्पय॒  
त्व॑ हि वे॒त्थ॑ यथा॒तथम्॑।

यत्पा॑क॒त्रा मन॑सा दी॒नद॑क्षा॒ न य॒ज्ञस्य॑ म॒न्वते॒ मर्ता॑सः।  
अ॒ग्निष्ट॑द्धोता॑ क्रतु॒विद्वि॑जानन् यजि॑ष्ठो दे॒वाः ऋ॒तुशो॑  
य॑जाति॥

स॒प्त तै॑ अ॒ग्ने स॒मिधः॑ स॒प्त जि॒ह्वाः स॒प्त र्ष॑ण्यः स॒प्त धाम॑  
प्रि॒याणि॑। स॒प्त हो॒त्राः स॒प्त धा॑ त्वां यजन्ति स॒प्त योनी॑रापृणस्वा  
घृ॒तेन॑॥

अ॒ग्ने न॑यं सु॒पथा॑ रा॒ये अ॒स्मान् विश्वा॑नि दे॒व व॒युना॑नि वि॒द्वान्।  
यु॒यो॒र्ध्य॑स्मञ्जु॒हुरा॑णमे॒नो भूयि॑ष्ठां ते नम॑ उ॒क्तिं वि॑धेम॥

प्र॒वः शु॒क्राय॑ भा॒नवे॑ भर॒ध्वं ह॒व्यं म॒तिं चा॒ग्नये॑ सु॒पूत॑म्॥ यो  
दै॒व्यानि॑ मा॒नुषा॑ ज॒नू॒ष्यन्त॑र्वि॒श्वानि॑ वि॒द्वन् ना॒ जिगा॑ति॥

अ॒ग्ने त्वं पा॑रया॒ नव्यो॑ अ॒स्मान्त्स्व॒स्तिभि॑रतिं दु॒र्गाणि॑ वि॒श्वानि॑।  
पू॒श्च पृ॒थ्वी ब॑हु॒ला न॑ उ॒र्वी भवा॑ तो॒काय॑ तन॑याय॒ शं योः॑॥

नमस्ते गार्हपत्याय नमस्ते दक्षिणाग्नये।

नम आहवनीयाय महावेद्यै नमो नमः॥

काण्डद्वयोपपाद्याय कर्मब्रह्मस्वरूपिणे।

स्वर्गापवर्गरूपाय यज्ञेशाय नमो नमः॥

यज्ञेशाच्युत गोविन्द माधवानन्त केशव।

कृष्ण विष्णो हृषीकेश वासुदेव नमोऽस्तु ते॥

स॒कृत्ते॑ अ॒ग्ने नमः॑। द्वि॒स्ते नमः॑। त्रि॒स्ते नमः॑। च॒तुस्ते॑ नमः॑।  
प॒ञ्चकृ॑त्वंस्ते॒ नमः॑। द॒शकृ॑त्वंस्ते॒ नमः॑। श॒तकृ॑त्वंस्ते॒ नमः॑।  
आ॒स॒ह॒स्रकृ॑त्वंस्ते॒ नमः॑। अ॒परि॑मि॒तकृ॑त्वंस्ते॒ नमः॑। नम॑स्ते  
अस्तु॒ मा मा॑ हि॒ंसीः॥

अग्नये नमः।

मन्त्रहीनं क्रियाहीनं भक्तिहीनं हुताशन। यद्धुतं तु मया देव  
परिपूर्णं तदस्तु ते॥

प्रायश्चित्तान्यशेषाणि तपःकर्मात्मकानि वै। यानि  
तेषामशेषाणां कृष्णानुस्मरणं परम्॥ कृष्ण कृष्ण कृष्ण॥

बृहत्सामं क्षत्रभृद्वृद्ध वृष्णियं त्रिष्टुभौजः शुभितमुग्रवीरम्।  
इन्द्रस्तोमेन पञ्चदशेन मध्यमिदं वातेन सगरेण रक्ष॥